

2021eko URRIAREN 20ko OSOKO BILKURAKO AKTA.

Tokia: Berako Herriko Etxea.
Eguna: 2021-10-20.
Hasiera ordua: 19:35.
Bilkura mota: ohikoa, 1. deia.

BERTARATUAK:

EH BILDU

Julen Errandonea Martin
José Esteban Aguirre Zubieta

HERRIRAKO

José Antonio Oyarzabal Iribas
Raquel Quiroga Tapia
Nahuel Maximiliano Ibarburi Lompre
ATXIKI GABEKO ZINEGOTZIA
Josu Iratzoki Agirre

ALDEZ AURRETIK JUSTIFIKATU GABEKO EZ EGOTEAK:

Estibaliz Pinacho Olaciregui
Maialen Chantre Irazoki
Germán Castillo Lazcanotegui

ALKATEA (Bilkurako buru):

Aitor Elexpuru Egaña

IDAZKARIA: Miguel José Belarra Tellechea, ekintzaren akta jasotzen du.

EZTABAIDATUTAKO GAIAK (behar bezala egindako deialdiaren Gai Zerrendan sartu zirenak):

1. AURREKO BILKURAKO AKTAREN ONARPENA.

Alkateak galdetu du zinegotziren batek oharren bat egin nahi ote dion deialdiarekin batera banatu zen aurreko bilkurako aktari (2021/10/07). Inork ez du azalpenik egin eta **aho batez** onartzen da akta.

2. UDAL PLANAREN ALDAKETA XEHATUA HIRIGINTZA ARAUETAN 43 BIS ARTIKULUA SARTZEKO. HASIERAKO ONESPENA.

Ikusirik:

- Udal Planeko hirigintzako antolamendu xehakatuko determinazioak aldatzeko espedientea, Hirigintza Arauetan 43 bis artikulua sartzeko (lurraren kontra dauden beheko solairuen aprobetxamendua). MUGARA ARQUITECTURA S.L. enpresak sustatu du espedientea.

- Nasuvinsako arkitektoak, Udalaren aholkulariak, 2021eko urriaren 7an egindako txosten teknikoa.

- Udal idazkariak 2021eko urriaren 15ean egindako txosten juridikoa.

Lurraldearen Antolamenduari eta Hirigintzari buruzko Foru Legearen testu bategina onesten duen 1/2017 Legegintzako Foru Dekretuaren 77.3 eta 72. artikuluekin bat etorritz,

aho batez (legez eskatutako gehiengo absolutuaren quoruma), ERABAKITZEN DA:

1. Hasierako onespina ematea Udal Planeko hirigintzako antolamendu xehakatuko determinazioak aldatzeko espedienteari, Hirigintza Arauetan 43 bis artikulua sartzeko (lurraren kontra dauden beheko solairuen aprobetxamendua).

2. Akordio hau argitaratzea Nafarroako Aldizkari Ofizialean, Nafarroako Foru Komunitatean editatzen diren egunkarietan eta Udaletxeko iragarki taulan, espedientea jendaurrean egon dadin hilabete bateko epean.

3. 9. POLIGONOKO 403. PARTZELAREN (SK-2 SEKTOREKO UE-8a) XEHETASUN AZTERLANA. BEHIN BETIKO ONESPENA.

Ikusirik:

- 9. poligonoko 403. partzelaren —SK-2 sektoreko UE-8a— xehetasun azterlana, eraikinaren lerrokadura eta altuera berriak zehaztea xede, lehendik dagoen eraikina handitzeko, bigarren etxebizitza bat sortze aldera. Sustatzaileak XXX eta XXX dira. Dokumentua XXX arkitektoak idatzi zuen.

- Nasuvinsako arkitektoak, Udaleko aholkulariak, 2021eko abuztuaren 23an egindako txostena.

- Udal idazkariak 2021eko irailaren 3an egindako txosten juridikoa.

Kontuan izanda:

- Agiria hasiera batean onartu zela irailaren 6ko 257/2021 Alkatetzaren Ebazpenaren bidez.

- Espedientea jendaurrean jarri zela, iragarkiak argitaratuz NAOn, prentsan eta iragarki oholean.

- Espedientea jendaurrean egon zen epealdian ez zela alegaziorik aurkeztu.

- Sustatzaileek behin betiko onartzeko eskatutako dokumentazioa aurkeztu zutela (eraikinaren oinplanoaren gehieneko okupazioaren aldaketa).

- Nasuvinsako arkitektoak, Udaleko aholkulariak, aldeko txostena eman zuela 2021eko urriaren 14an.

- Sustatzaileek aurkeztu dutela Nafarroako Planeamenduaren Erregistroa eta Nafarroako hirigintza eta lurralde plangintzarako tresnak aurkezteko formatua arautzen dituen urriaren 16ko 253/2019 Foru Dekretuaren 9.2 c) artikulua eskatzen duen informazio

geografiko bektoriala.

Lurraldearen Antolamenduari eta Hirigintzari buruzko Foru Legearen testu bategina onesten duen 1/2017 Legegintzako Foru Dekretuaren 63., 72. eta 74. artikuluekin bat etorriz,

aho batez ERABAKITZEN DA:

1. Behin betiko onespena ematea 9. poligonoko 403. partzelaren —SK-2 sektoreko UE-8a— xehetasun azterlanari.

2. Behin betiko onespén hau argitaratzea Nafarroako Aldizkari Ofizialean.

3. Erabaki hau jakinaraztea sustatzaileei.

4. Erabaki hau Nafarroako Gobernuako Lurralde Antolamendu, Etxebizitza, Paisaia eta Proiektu Estrategikoetako Departamentuari helaraztea, onartutako agiriarekin eta emandako txosten teknikoekin batera, gehienez ere 10 eguneko epean.

4. 2021/10 ZENBAKIKO AURREKONTU-ALDAKETA. KREDITU-GEHIGARRIA (EURI-UREN KOLEKTOREA LUZATZEA KAXERNAGAINAN). HASIERAKO ONESPENA.

Alkateak espedientea eta idazkariak prozedura azaldu ondoren, erabaki hau hartu da:

Ikusirik:

- Kaxernagainako euri-uren kolektorea luzatzeko obretarako aurreikusitako aurrekontua handitu egingo dela.

- Martxoaren 18ko 68/2021 Alkatezaren Ebazpenaren bidez onetsi zela 2020ko Aurrekontuaren likidazioa.

- Udal kontu-hartzaileak 2021eko urriaren 15ean egindako txostenak adierazten duela aurrekontua aldatzeko espedientea izapidetu behar dela, kreditu-gehigarria, inbertsioa egin ahal izateko. Aipatzen du ondoko hau dela gehigarria behar duen gastu-partida:

1-1601-60902. Euri-uren kolektorea luzatzea Kaxernagainan. 40.000,00 €.

Zenbatekoa, guztira: 40.000,00 €.

- Txosten horretan proposatzen dela gastu orokorretarako diruzaintzako gerakina den 1-87000 partidaren kargura finantzatzea, 40.000,00 euroko zenbatekoan.

Nafarroako Toki Ogasunei buruzko 2/1995 Foru Legearen 202., 213. eta 214. artikuluei eta indarrean dagoen Aurrekontuko 9. Exekuzio Oinarriari jarraikiz,

aho batez ERABAKITZEN DA:

1. Hasierako onespén ematea 2021/10 zenbakia duen aipatu aurrekontu-aldaketari (kreditu-gehigarria).

2. Jendurrean jartzea espedientea 15 eguneko aldi, udal iragarki taulan iragarrita, nahi duenak aztertu eta erreklamazioak aurkez ditzan.

3. Ohartaraztea ezen, jendurreko erakustaldian erreklamaziorik aurkezten ez bada, hasierako onespeneren erabakia behin betiko onetsizat joko dela, eta jendurrean jartzeko aldia igarotakoan jarriko dela indarrean.

Erreklamazioak edo alegazioak eginez gero, osoko bilkurak berariazko erabakia hartu beharko du erreklamazio edo alegazio horien ebazpenari eta proposatutako aldaketaren behin betiko onespenerari buruz, eta behin betiko testua udal iragarki taulan argitaratu ondoren jarriko da indarrean.

5. FINANTZAKETA-HITZARMENA IBARDIN MERKATARITZA, OSTALARITZA ETA ZERBITZUEN ELKARTEAREKIN (IEE), IBARDIN AUZOA URBANIZATZEKO OBRAK EGITEKO.

Ikusirik:

- Udalarentzat interesgarritzat jotzen dela Ibardin auzoa urbanizatzeko obrak gauzatzeko, Ibardin merkataritza, ostalaritza eta zerbitzuen Elkartearekin (IEE) lankidetzahitzarmena sinatzea.

- Hitzarmenaren testua idatzi dela, eta edukia espedientean jasota dagoela.

- Hitzarmen hori egiteko nahitaezko justifikazio-memoria egin dela.

- Udal idazkariaren txostena, 2021eko urriaren 18koa.

- Udal kontu-hartzailearen txostena, 2021eko urriaren 19koa.

Azaldutakoan oinarrituta, eta Sektore Publikoaren Araubide Juridikoaren 40/2015 Legearen 50. eta 53. artikuluetan ezarritakoarekin bat etorritz,

aho batez ERABAKITZEN DA:

1. Ibardin auzoa urbanizatzeko obrak egiteko lankidetzahitzarmenaren testua onartzea, eta alkateari ematea agiria sinatzeko ahalmena.

2. Erabaki hau jakinaraztea Ibardin merkataritza, ostalaritza eta zerbitzuen Elkarteari (IEE), eta 15 egun baldioduneko epean dagokion administrazio-agiria sinatzeko eskatzea.

3. Gardentasunaren Atarian argitaratzea hitzarmen honi buruzko informazioa.

4. Akordio hau eta sinatutako hitzarmenaren kopia Nafarroako Kontuen Ganberara bidaltzea, sinatu eta 3 hilabeteko epean.

6. MOZIOA: DESKONEKTATU ELEKTRIKETATIK.

Alkateak aurkeztu ondoren, mozio hau ontesi da **aho batez**:

“DESKONEKTATU ELEKTRIKETATIK. Haien iruzurraren aurrean, burujabetza energetikoa!

Argindarraren prezioa maximo historikoetan; fakturak igotzen; enpresa elektrikoak aberasten, herritarrak pobretzen eta Espainiako Gobernu hori baimentzen. Hori da, hain zuzen ere, herritarren aurka egiten ari den iruzur handiaren laburpena. Iruzur horrek ondorio larriak izan ditu familietan, enpresa txiki eta ertainetan edo denda txikietan.

Egoera hori, besteak beste, enpresa publikoen pribatizazioaren, salmentaren eta desegitearen ondorioz etorri da; izan ere, horrek sistema desarautzea eta "merkatuaren" esku uztea ekarri du. Administrazio Kontseiluetatik kontrolatzen eta manipulatu duten merkatua, helburu bakar bat partekatuz: energia bezalako funtsezko ondasun baten kontura aberastea, non enpresa handiek urtean mila milioi euroko irabaziak metatzen dituzten, kontsumitzaileei dirua lapurtzen eta ekoizleei lurraldeak ebazten dizkieten bitartean, ondorio sozial eta klimatiko oso larriak eraginez.

Egoera horri aurre egiteko neurri koiunturalak eta adabakiak besterik ez dira hartu. Eta enpresa handien onurei eragingo dien neurri bakarra hartu duenean, enpresa xantaia egin eta mehatxura jo dute. Eliteen eta gehiengo sozial eta herrikoien arteko pulstu baten aurrean gaude, finean.

Egoera hau garesti ateratzen zaigu. Bada garaia burujabetza energetikorantz aurrera egin dezagun, ezarritako oligopolioa apurtuko duten sistema propioak izan ditzagun, sistema bidezkoak publikotik eraikitzeke eta argindarra errespetatzeko, oinarrizko ondasun eta eskubide gisa.

Hori dela eta, Berako Udalak honako hau adierazten du:

1. Espainiar estatuko enpresa elektrikoak argindarraren prezioarekin egiten ari diren iruzur larria salatzen du.
2. Estatu espainiarrean ezarritako oligopolioa apurtuko duten sistema propioak behar ditugu, sistema bidezkoak publikotik eraikitzeke eta argindarra oinarrizko ondasun eta eskubide gisa errespetatuko dutenak.
3. Nafarroako Gobernu hori interpelatu dugu, lankidetzaren publiko-komunitarioa, deszentralizatu eta kontrol publikoa bermatuko dituen neurri zehatzak har ditzala presazko izaerarekin.
4. Berako Udalak egoera hori salatzeko deitzen diren deialdiekin bat egiten du, eta herritarrak parte hartzerantz animatzen ditu.”.

Julen Errandonea bileratik atera egin da.

7. BANDOAK ETA ALKATETZAREN EBAZPENAK.

Honako bando eta Alkatetzaren ebazpen hauen jakinaren gainean geratu dira:

- Bandoak: B28/2021etik B30/2021 arte.

- Ebazpenak: 268/2021 zenbakiko Ebazpenetik (2021/09/13) 300/2021 zenbakiko Ebazpenera arte (2021/10/15).

8. ESKAERAK ETA GALDERAK. BESTE UDAL ORGANOEEN KONTROLA.

Ez dira izan.

Beste aztergairik izan gabe, 20:20ak direnean, alkateak bilera bukatutzat eman du, eta nik, neronek, idazkaria naizenez, ziurtatzen dut.

O.E. ALKATEA,
Aitor Elexpuru Egaña.

IDAZKARIA,
Miguel J. Belarra Tellechea.